

حقوقى بىلىپلەر مجموعهسى

هر آيك اون بىشنده نشر اولنور

اجرا قانونه بعض مواد علاوه سی حقنده قانون

۱۵ مارت ۱۹۲۸

۱ — عدلیه وکالتی طرفدن استانبولده تشکیل ایدیلن خصوصی بر قومیسون، اسویچره فده رال اجرا قانونندن اقتباس صورتیله، یکی اجرا قانونی لایحه سی حاضر لادی. آنجق بو لایحه نك تطبیقاده متمر نتیجه لر ویره بیلرسی ایچون اسویچره ده تشکیلات اجراییه و اجرا قانوننك صور تطبیقه سنه، تفسیرینه متعلق اولق اوزره موجود اولان بعض نظامنامه لر، تعلیماتنامه لر و نهایت فورمولر و دفتر نمونه لری تدقیق ایدیلرک آیریجه بر نظامنامه لایحه سی احضار ایدلک ایجاب اتمکده در. بو تدقیقاتک بو سنه ظرفنده اکلی ممکن کورو نمیدکندن تخمیزه کوره، عدلیه وکالتی یکی باشند تنظیم ایدیلن اجرا قانونی لایحه سی بو سنه مجلسه سوق ایتیه جکدر.

حجز احتیاطینک تحدیدیدن متحصل بر محذوری ازاله و محکمه لرک ایشلرینی آزالتیق غایه سی ایله، فده رال اجرا قانوننده موجود اولان بر حکم حقنده یکی اجرا قانوننك قبوله انتظارآ، آیری بر لایحه تنظیم ایدیلرک مجلسه سوق اولوندی. بولایحه ۱۵ مارت ۱۹۲۸ تاریخنده قانونیت اکتساب ایتش (نومرو : ۱۲۱۵) و ۲۱ مارت ۱۹۲۸ تاریخلی رسمی جریده ایله اعلان ایدلشدر. تاریخ مرعیتدن اعتبارآ بر آی صوکره تطبیق ایدیلرک جکدر.

۲ — قانوننك موضوعی و مقایسه قوانین : ۱۵ مارت قانونی، آلا جاقلییه، اعلام استحصاله حاجت اولمق سزین دوغریدن دوغرییه اجرا رئیسنه مراجعت ایله مدیونه تأدییه دین ایتیمی ایچون اخبارنامه کوندرمک و مدیونك مدت معینه ظرفنده بورجی قبول و یا سکوت ایتیمی حالنده اجرای جبرییه توسل صلاحیتی ویرمکده در. مدیون، بالعکس مدت معینه ظرفنده بورجی انکار ایدره سه آلا جاقلی اصول محاکمه عادییه احکامی دائره سنده صلاحیتدار محکمه علیه اقامه دعوا ایدره ک حکم استحصاله مجبور قالد جکدر.

آنحق داین، بوسورتله مجبوراً اقامه ایندیکی دعواسنده حقلی چیقارسه، مدیونندن، مطلوبنك یوزده اونندن نقصان اولماق اوزره، محكمهك تقدیر ایدهجکی بر تضمیناتی ده طلب ایده بیلیمك حقنی حائز اوله جقدر.

داینك، مدیون طرفندن انكار ایدلمه یین آلاجنی استیفا ایچون محكمه یه مراجعتله اعلام استحصال ایتسینده کی فائده سزلك آشكاردر. داینك دوغریدن دوغری یه احرایه مراجعت ایده بیلیمسی محكمه لك بوش یره وقت غائب ایتسنه مانع اولور. محكمه لر بوتون وقتلرینی، حقیقهٔ منارعلی اولان ایشرك حلتنه تخصیص ایده رلرسه، شبهه یوقدر که بونلری هم ده سرعتله وهم دهه دها بویوك بر دقت واعتنا ایله حل ایتك امکاتی بولا جقدر.

دیگر طرفندن، صرف وقت قزانمق غایه سیله، مدیونك، داینی محكمه یه سوق ایتسنه محل قالمه جق وبالنتیجه بو حکم تجاری اعتباری ده تزید ایده جکدر.

شو قدر که طلب ایدیلن آلاجاك موجودیتنه اعتراض ایتش اولان مدیونك صرف بوسبیله مبلغ مدطاهك یوزده اونندن نقصان اولماق اوزره تضمیناته محكوم ایدیله بیلیمسی جای نظردر. (۷) نومرویه مراجعت. كذلك بارو مجموعه سنك مایس نسخه سنده یکی اجرا قانونی لایحه سی حقنده کی مقاله مزه مراجعت.

۳ — سوینجره فده رال اجرا قانونك ۶۷ ومتعاقب ماده لری ایجابی داین، آلدنه محكمه دن صادر اولمش بر اعلام ویا رأساً قابل اجرا بر وثیقه بولنسه بیله اجرایه مراجعت ایده بیلیر. بالعکس آلمان قانونی موجبجه (ماده: ۷۰۴) داینك آلدنه کسب قطعیت ایتش بر اعلام بولنمادقجه اجرای جبری یه توسل ایدیله مز. مکرکه محكمه، قرارینك موقهٔ اجرا سنده حکم ایتش بولسون. آلمان قانوننه نظرراً اجرای موقت قراری ویریه بیله جك حاللر آلمان اصول محاکمه قانونك ۵ جزیران ۱۹۰۵ و ۲۲ مایس ۱۹۱۰ تاریخلریله تعدیل ایدیلن ۷۰۸ ومتعاقب ماده لرنده ذکر ایدلمکده در. فقط بوکامقابل عادی وامره محرر سندلره مستقد اقامه اولنه جق دعوالك حلی غایت بسیط و سریع بر اصوله تابع طوتلشدر. (ماده: ۵۸۲ ومتعاقب) بواصول محاکمه ده مدعی آنحق سندله حقنی اثبات ایده بیلیر، مدعی علیه ایسه آنحق سند ویا یمین ایله دفعنی اثبات ایده بیلیر. دعوای متقابله در میان اولوناماز. اگر مدعی علیه سندله دفعنی اثبات ایده مز ایسه محكمه بالا آخره

هر دلو مدافعتی اصولاً اثبات صلاحیتی محفوظ قالمق شرطیه موقتاً مدعی علیه محکوم ایدر.
 ۴ — قانونك ایضاحی — برنجی ماده مربوطه «آلاجهقنی حکمیه کیتزده اول اجرا رباسنه مراجعت یاره، قیمتی اراده و مثبانه معین مقدار آلاجهقنك تحصیلنی طلب ایدر بیلیر». آلاجهقنك ائنده لازم الاجرا بر اعلام بولمق لازم کلدیکی کی برسند دخی بولمق لازم کلز.

قانونك حل ایتدیکی بر جوق مسائلك حدوتی مختلدر.

(آ) داین اجرا رئیسنه تحریر آمی مراجعت ایده جکدر؟ شفاهی مراجعت کافیمیدر؟ مسئلهنی بوگونکی اجرا قانونمژك عمومی اساسلرینه کوره حل ایتمکه چالیشالم:
 اجرا قانون موقتمژك ۳۷ نجی مادهسی موجبجه: «اجرای حکمی طلب اولنان اعلامات آریجه عرفحال اعطاسنه حاجت اولقسزین دوغریدن دوغری به اجرا دائرهسه تودیع» ایدمکه اجرایه باشلانه بیلیر. بو حاله درحال بر طلب اجرا ضبطی تنظیم ایدیلرک آلتی محکوم لیه امضا ایتدیریلیر. بوماده یالکز اعلاملرک عرفحالسز اجرا ایتدیریله بیلیمسی اقتضا ایدر. بوندن ماعدا وثیقه لره مستقداً اجرایه توسل ایدیله بیلیمک ایچون اجرا رئیسنه عرفحال ایله مراجعت ایدمک لازم کلکده در. نه کیم کاتب عدلار طرفندن رأساً تنظیم ایدیلن سندات رسمیهنك اجراسی ایچون اجرا رئیسنه عرفحال ویرمک اقتضا ایدر. ۱۵ تشرین اول ۱۳۲۹ تاریخی کاتب عدل قانون موقتی ماده: ۶۹. بناءً علیه، بزه کوره، ائنده سند بولنسون بولماسون داین اجرا رئیسنه عرفحال ایله مراجعت ایتمک مجبوریتده در.

قانون، وقوع ولان مراجعتی اسعاف ایدوب ایتهمک خصوصده اجرا رئیسنه برحق تقدیر ویرمیکندن اجرا ریاسته مراجعتک فائدهسز برکلفت اولدینی آچقدردر. اعلاملرده اولدینی کی دوغریدن دوغریه اجرا مأمورینه مراجعت ایشلری تسهیل و اجرا رئیسنك وقتنی تصرف ایدر.

(ب) داین، طلبنده، نه کی نقطه لری تصریح ایتمک لازمدر؟

قانون ۲ نجی ماده سنده مدیونه کوندریله جک اخبارنامهده یازلمسی اقتضا ایدن قیدلری بیان ایتشدردر. بو قیدلرک کافه سنی داینك طلبنامهده ذکر ایتمک مجبورتی اولمادینی آچقدردر.

فقط مدیونه کوندریله جک اخبارنامه طلبنامه مندرجانه کوره تنظیم ایدیه جکندن استدعاده :

« طلبك آچیقجه نه دن عبارت اولدینی » کوسترلك لازم اولدینی کبی استدعا، اجرا قانون موقتک ۳۷ نجی ماده سنده مذکور اولان قیدلری وطیعت مصلحت ایجابی دیگر بعض قیدلری ده احتوا ایتک لازمدر. بناءً علیه عرضخالده بروجه آتی قیدلر بولمالیدر :

۱ — دایک اسم و شهرت واقامتکاهی . داین مراجعت ایتدیکی اجرا دائره سنک دائره قضاسی خارچنده مقیم ایسه ، اجرا دائره سنک بولوندی محله اقامتکاه انتخاب ایتمی لازمدر. زیرا، آلاقی کسب قطعیت ایتش براعلامه مستند اولمادیغندن، لدی الحاجه مدیونک کندیسنه محنده سریعاً تبلیغات یاپدیره بیلرسی لازمدر. داین هر کون اقامتکاهی ده کیشدیرمک امکانه مالک اولورسه مدیونک وقت وزمانیه اجرایی تأخیر ایدیه بیلرسی مشکل اولور. بناءً علیه بوطلبی، دعوايه قیاس ایتک و حقوق اصول محاکمه لری قانونک ۱۱۷ نجی ماده سی موجبجه مراجعت ایدیه جک اجرا دائره سنک بولوندی محله اقامتکاه تعیننی مجبوری عدايتک لازمدر. ذاتاً اصول محاکمه نک مذکور ماده سی عمومی حکملره دائر اولان برنجی بابده ، و علی العموم دعوتیه لر ايله تبلیغات مخصوص فصلده در. کذلک قانون مذکورک ۱۲۳ نجی ماده سی اقتضاسی ، اقامتکاه، دائره اجرانک حدودی داخلنده ایکن اثنای اجرا ده اقامتکاه ، دیگر بر محله نقل اولونورسه کذلک بو محله اقامتکاه تعیننی مجبوری واردر .

۲ — مدیونک اسم و شهرت واقامتکاهی ؛ اگر مدیون ولایت و یا وصایت آلتنده ایسه اجرا، آنجیق قانونی مثله قارشی یاپیلا بیله جکندن استدعاده بونلرک اسم و شهرتاری کوسترملیدر. (حقوق اصول محاکمه لری قانونی ماده : ۱۲۰).

تعقیبات ترکیه قارشی اجرا ایدیه جک ایسه اولاً صالح محکمه سنه ترکیه برقم نصبی ایچون مراجعت ایدملی واستدعاده قییمک و یا خود وارثلرک کیملر اولدینی تعین ایدملیدر. مع مافیه داین، قانون مدنی موجبجه رسمی و تصفییه حالی مستثنا اولق اوزره، وارثلردن هر بری حقیقه شخصاً تعقیبات یامق صلاحیتی حائز اولدیغندن بو صلاحیتی استعمال ایتک ایسترسه هانکی وارثه قارشی تعقیبات اجرا ایتدیکنی استدعاسنده تصریح ایتک لازم

و کافیدر. بوقدرده قیم تعیین ایتدیرمک و یا خود دیکر وارثلره تبلیغات یا بمق لازم کلز.

۳ — « طلبک آچیقجه نهدن عبارت اولدینی : آلاجاغک مقدار، جنس و نوعی .

۴ — داینک استناد ایتدیکی وثیقه طلبنه ربط اولونمالیدر. وثیقه یوق ایسه آلاجاغی

تشخیص ایتدیرمک اوزره بورجک سببی استدعاده ذکر ایدلملیدر. عکس حالده مدیونندن بر کره تحصیل ایدیلن مبلغک بر کرده محکمه ده ادعا ایدلمسی امکان داخلنه کیر . سببی ذکر ایدیلنه و یا خود وثیقه سی ربط اولنمایان بر آلاجق طلبی ، آچیقجه بیان ایدیلش بر طلب عد اولونمالیدر .

تحلیل ایتدیکمز ماده موجبنجه هر درلو پاره ، قیمتلی اوراق و مثلیاتدن معدود هر نوع اشیانک آلاجاقلیسی اعلام آماددن اجرایه مراجعتله آلاجغنی مطالبه صلاحیتی حائزدر . قانونک بواسطاتی تطبیقاندده دیکر کونا مشکلاتی دعوت ایدر .

اول امرده بورجلر قانونک ۸۳ نجی ماده سی ایجابجه « موضوعی پاره اولان بورج مملکت پاره سیله اوده نیر . بناء علیه مدیون موضوعی اجنبی پاره سی اولان بورجی مذکور ماده ده کی قیود احترازیه داخلنده تورک پاره سی ایله اوده مک حقنی حائز اولدیغندن داینک مطلوبنک تورک پاره سی مقابلنی ده کوسترمیسی موافق اولور .

فهمه رال اجرا قانونی ، هر حالده داینک اسویچره پاره سی ایله آلاجاغک مقداری کوسترمکه مجبور اولدینی قید ایتمکده در . ماده : ۶۷

ثانیاً قیمتلی اوراق و مثلیاتدن معدود آلاجاقلر ایچون اجرایه مراجعت واقع اولور ایسه مسئله نک حلنده دهابویوک مشکلات ظهور ایدر . فی الحقیقه قیمتلی اوراقک بورجلیسی بورجی اقرار ایتدیکی فقط بیاسده او مقدارده قیمتلی اوراق تدارکی قابل اولمادیقی تقدیرده وضعیت نه اولاجقدرد ؟ بالخاصه اجنبی قیمتلی اوراقی تعهد ایدیلش ایسه مدیونک علیه نه طریقه اجرا یا سیلابیله جکدر ؟ مثلیاتدن معدود اشیانک تدارک و تسلیمنده عینی و بلکه دهابویوک مشکلات وارددر . مثلاً مدعی علیه اعمال ایده جکی معلوم المقدار مثلیاتی اعطایی متعهد ایکن بونی بعض اسباب تحتنده اعمال ایده مامش ایسه مدیون طرفندن انکار اولنمایان بو طلب جبراً نصل انفاذ ایدیله جکدر .

حقیقت حال شو مرکزده در که مقداری مملکت پاره سی ایله معین اولنمایان هیچ بر

آلاچق اجرا دائرہ سی واسطہ سیلہ جبراً استحصال ایدیلہ مز. محکمہ بورجلی بی بورجنگ عیناً اداسنہ محکوم ایدہ بیلیر. فقط بوقرار جبراً قابل انفاذ اولمایوب بالاخیار قابل انفاذدر. انفاذدن امتناع حائده مدیون علیہ ضرر وزیان حکم ایدلک مجبوری اولور. اونک ایچون فہدہ مال اجرا قانونی یالکیز مقداری مملکت پارہ سی ایله معین آلاچاقلر ایچون اجرایہ مراجعتہ مساعدہ ایتکده در.

۵ — قانونہ کورہ عینی برحق آلاچقلسی اولانلر دوغریدن دوغری یہ اجرایہ مراجعت ایدہ میہ جکلری کبی معین بر شیک اعمالی متعہد اولانلرہ قارشی ده تعہد لری عیناً ایفا مقصدیلہ اجرایہ مراجعت ایدیلہ مز. اولوتیلہ ٹائلہ حقوقدن متولدہ مناسبتلرہ حق صاحبی اولانلر، حق لری دوغریدن دوغری یہ استحصال ایچون اجرایہ مراجعت ایدہ مز. مثلاً بابا، آنادن ولایتک نزعی موجب برسبب تحدت ایتدیکنی و بناء علیہ جوجوغلک کندیسنہ تسلیمی، اعلامسز اجرا ریشندن طلب ایدہ مز.

۵ — «بوتقدیرده» یعنی دایتک طلب و مراجعتی اوزرینہ «اجرا دائرہ سی بورجلی» اودہ بسہ کورہ ظرفندہ جواب بر رسمی ایچونہ بر اخبارنامہ تبلیغ ایدہ. بورجلی بورجلی تماماً ربا قسماً قبول و اقرار ایدرہ اجرا دائرہ سی قبول و اقرار اولتانه بورج راساً تحصیل راستیفا اولونور. قسماً اقرار حالندہ بورجلی بورجنگ نہ مقدارینی اودہ سر اولدیغنی صراحت ذکرہ مجبوردر. عکس حالہ انطاری دیکلر نمز. بورجلینگ اخبارنامہ ده معین مرث ظرفندہ سکونی قبول «عد [۱]» اولونور.

«راساً تحصیل» تعبیری معاملات اجرائیہک، محکمہ قرارینہ محتاج اولقسزین ایفا ایدیلہ جکی معناسنی تضمن ایدہر، یوقسہ اجرا قانونی احکامی نونوع طلبلر حقندہ ده تطبیق ایدلک لازم اولدیغندن حمز وضعی کبی اجرایہ دوام ایچون طلب لازم اولان یرلرہ بلاطلب معاملہ اجرائیہ توسل ایدیلہ مز.

«بورجلی بورجلی انظار ایدرہ اصولاً دعوی اقامہ سی ضمنندہ محکمہ مراجعت ایشی لزومی تفرہم اولونور» بو انکار تحویری اولدیغنی قادار شفاهی ده اولابیلیر.

[۱] رسمی جریدہ ده نوکلہ نقصاندر.

شفاهی اولان انکارلر ضبطه کچیرلمک و منکر طرفدن امضا ایدمک لازمدیر. بو کونکی تعامله کوره مدیونک انکاری اوزرینه طوثلش ضبط داینه مراجعتی زماننده شفاهاً تفهیم اولونور.

بورادده مهم برمشکلات چیقاییله جکدر. بو کونکی اجرا قانونمز موجبجه آئنده لازم الاجرا بروئقه بولان هر آلاقلی، آرزو ایتدیکی اجرا دائره سنه مراجعت ایده بیلیر. مدیونک اعلامه قارشی بورجی اولمادیغی حقنده سردایده جکی اعتراضلر، نسبة اهمیتسزدر. فقط آئنده اعلام اولمایان دایمک اجرایه مراجعت ایده بیلرسی شهسز، حقی حقسنز اجرا دائره لرینه مراجعتلری چوغالته جقدر. وچوق کره مدیون اولدیغی ادعا اولنان کیمسه لر، طلب اولنان آلاقلری انکار ایده جکلردر. اکر مراجعت مدیونک اقامتکاهندن اوزاق بر محل اجرا دائره سنه واقع اولمش ایسه مدیون انکارینی بو محک اجرا دائره سنه بیانه مجبور میدرد؟ بویانی استدعایله و پوسته واسطه سیله کوندره بیلیرمی؟ اون بش کونک مدته، مدیونک اقامتکاهی ایله مراجعت ایدیلن اجراء ائره سی آراسنده کی مسافه یه کوره ضم جائز میدرد؟ انکارک مطلقا اجراء ائره سنه بیان ایدلمسی مجبوری و ارمیدرد؟ بزوتون بوسؤالاره مدیون لهنه بر جواب ویرمک طرفدار یز. شوقدر که ۲ نجی ماده ایجابی خارجاً آلا- جاقینک اطلاعنه ایصال ایدیلن انکار معتبر اولمایوب انکار کیفیتی، اصل دوسیه یه وقت وزمانیله درج ایتدیرلمک لازمدیر. عکس حالده اجرایه دوام اولونابیلیر.

اسویچره فهدرهال اجرا قانونی بومشکلاته محل قالماق اوزره اجرانک، قاعده اولارق، مدیونک اقامتکاهنده یا بیللماسنی، و اجرا اخبارنامه سنک ایکی نسخه اوله رق تنظیم و بر نسخه سنک مدیونه تبلیغ ایدلمسی و مدیون اعتراض ایتدکده اعتراضک، اعتراض ایتمه مش ایسه اعتراض واقع اولمادیقنک اجرا اخبارنامه سنک نسخه ثانیه سنه قید ایدیلهرک مدت اعتراضک ختامی تعقیب ایدن کونده داینه اعاده سی، اساسی قبول ایتمشدر که ایشلری نه قدر تسهیل ایتدیکی آشکاردر.

۶ - بورجلی، ادعا اولنان مقداردن ده آز بورجی اولدیغی بیان ایدیورسه، بومقداری تصریح ایتمک مجبوریتندردر. تصریح ایتمکسزین یالکزر بر مقدار بورجی اولدیغی و یا طلب اولنان مقدارک بر قسمی تأدیه ایتدیکنی بیان ایده رسه انکار واقع اولماش عد اولونور.

۷ — «بورجیېنك بورجی انظاربنده آلامقېنك محكمه مراجعی تقدیرنه محكمه بورجیېنك مقررانغه قرار دیرلمیر. ایکی طرفك وضعیقه دمرعی برك نهمغه كوره آلامقېنك لره آریجه بر تضمینات دخی تقدیر دهمك اولونور. شو قدركه، بو تضمینات محكوم برك یوزده اوشده آشاغی اولماز.»

مدیونلرك، داینلرینی محكمهیه مراجعت اضطرارنده براقق صورتیه سبیت وپردكاری ضرر وزیانی تضمین ایتلاری عدالتك اك ضروری ايجابنددر. یالكز شوراسنی ملاحظه ایتك لازمدركه بر كیمسه نك كندیسندن مطالبه ایدیلن بر پارهیی، ویا مثلیادن برشی ویره مسمی دائماً حقنده بر قصور تشكيل ایتمز. بعضاً بر آلاق، مدعینك بیاننده قطعی اولدینی حالده حقیقت حالده محكمه نك تقدیرینه تابع اولور. بارو مجموعه سنده کی مقاله مزه مراجعت. قانونك محذوری آزالتمق ایچون حد داننده مقداری محكمه نك تقدیرینه معلق اولان بورجاری معین عد ایتهمك وبناء علیه بوماده حكمندن خارج طوتمق لازمدر. از جمله بر قضایه معروض قالمش اولان كیمسه مادی ومعنوی تضمینات اولارق تعیین ایده جکی مقدارك اعلامسز اجراسنی طلب ایده مز.

كذلك آلاق شرطه معلق اولوب شرطك تحققی داین اثبات ایتك مجبوریتنده ایسه ینه آلاق معین عد اولنمالیدر.

دیكر طرفدن بر كیمسه دیكرینك فعلندن مسئول ایسه او كیمسه نك فعلی وضمانك وجوبی ثابت اولمادن آلاق معین عد اولنمالیدر. مع مافیه وارنلره قارشی، مورثلرینك معین بورجاری طلب اولونایلیر.

دیكر طرفدن، بعض مناسبات حقوقیه مدیون، كندیسنی حققی ظن ایدره وظننده خطا ایتدیکی ایچون بورجی انكار ایدره. ویاخود بر آلاجنك كیمه عائد اولدینی شهلی اولدینی ایچون انكار وضعیته كچه بیلیر. بزه كوره، مطلقاً بورجی انكار ایتمش اولان كیمسه یی، معین بر تضمیناته محكوم ایتك دوغری دكلدر. بلكه حقوق اصول محاكمه لری و بورجار قانونی احكامی دائره سنده سوء نیتندن مسئول ایدلسنی اولا اولور ایدی.

دیكر طرفدن تضمیناتك مقدارینی تعیینده بر مسئله در. بعضاً داین، محكمهیه مراجعت ایچون آووقات طوتمغه مجبور قالیر. آووقاتلرك اجرتی، آشاغی یوقاری یوزده اون

اولدیندن قانون بومقداری تضمینات اقلی حدی عد ایدیور. مع مافیه بونوک ایشلرده اجرت وکالت دها چوق آشاغی تنزل ایده بیله جکندن ومدعینک باشقا کونا ضرره معروض قالمادیغی ده اثبات اولونابیلیرسه بومقدار اصغری بعض ایشلر ایچون پک فاحش ظن ایدیلیر .

دیگر طرفدن قانونک، ضرر وزیانک تعیین مقدارنده طرفینک وضعیتلرینک ومدعاہک تحمیلک نظر دقتہ آلتق لازم کله جکی حقندہ کی حکمی ده آیریمجه حلی مشکل بر مسئله احداث ایتمک در. طرفینک وضعیتندن مقصد نہ در ؟ طرفیندن ہر برینک حسن نیت ویا سوء نیت صاحبی اولوب اولمادقلربی، طلب ایدیلن پازہی وقتیلہ آلاماقدن ویا بونی ہان تادیہ ایتمکدن متولد ضرورت حاللربی، وآلاجی تولیدیدن مناسبت حقوقہنک ہر ایک طرفہ حصولہ کتر مسمی ملحوظ اولان ویا کتریدیکی کار وتمتع وضرر لری و ہر برینک اساس معاملہ ده آلدائمش اولوب اولمادقلربی نظر دقتہ آمالیدر. مدعاہک تحمیلن تفسیر ایسه دها مشکلدر. مدعاہک مقداری دنیلہ ایدی دها ای اولور ایدی .

۸ — قانونک ایکنجی مادہ سی طلب اوزرینہ مدیونہ کوندربلہ جک اخبارنامہ یہ درج ایدلسی اقتضا ایدن قیدلری ایضاح ایتمکدر. بوقیدلر ۱ — طلبک آیمیقہ نہ در عبارت اولریغی، ۲ — اودہ بسہ کورہ ظرفندہ بورہک فائضہ و اجمرا مصرفندہ برلکمرہ اودنمسی لزومی

آلاجک فائضی اولمادیغی وداینده قانونی فائض طلب ایتمدیکی تقدیرده اخبارنامہ ده فائضدن بحثہ بالطبع لزوم یوقدر. بوقدرہ بزه کوستریورکہ دوغریدن دوغری یہ اجرایہ مراجعت حالندہ بیلہ مراجعت تاریخندن اعتباراً قانونی فائض جریان ایدہر .

۳ — بورہک تمامہ دیاضود بر قسمہ اعتراضہ ایتمک استنبہ بورہلینک تادیہ اخبار نامہ سنک تبلیغندہ اعتباراً اودہ بسہ کورہ ظرفندہ کیفیتی اجمرا دائرہ سنہ تحریراً ویا شفاهاً پیانہ اتیمی لزومی، ۴ — بورجی اودہ مدیکی داعتراضدہ برلنمادیغی تقدیرده اجمرایہ توسل ایدرہکی حقندہ کی اضطراری :

قانون، مدیونک، وقت وزمانیلہ اجرایہ مراجعتلہ جواب ویرمدیکی تقدیرده جواب حقنک ساقط اولہ جگندن خبردار اولماسی حالندہ حقوقی محافظہ ایدہ میہ جکفی ملاحظہ

ایتمشدر. بناءً علیه بوقیدلرک کافه سی اساسلیدر. بری نقصان اولورسه اخبارنامه باطل اولوب اجرا تعقیباتنه اساس اتخاذا اولوناماز (حقوق اصول محاکمہ لری قانونی ماده: ۸۲).

۹ — بورجلی بلاعذر اون بش کون ظرفنده اعتراض ایتمه مش بولونورسه آرتق اعتراضی مسموع اولماز. علیهنه اجرا دوام ایدر. فقط «بورجهی قصوری اولقسنریبه» یعنی آئنده اولمایان اسباب دولایسیله حتی اجرایه مراجعتنی عادتاً اشکال ایدن برسبب ایله «قانونی مهل ظرفنده اعتراض ایدر» بالفعل اجرا وصایتیه وقوعه قدر اعتراضه ایدر بیلیر. شو قدرکه، بورجهلینک مهلی فوت ایتمسنی معذور کومتره مک اسباب ثبوتیه اراء ایتمسی مجبوریدر. اسباب ثبوتیه اراءه ایدیله مش ویاخود اثبات اولنان معذرت اجرا رئیس طرفندن شایان قبول کورلمه مش ایسه اجرایه دوام اولونور.

۱۰ — بورجلی انکار ایتمه مش اولان مدیونه قارشلی اجرا تعقیباتنه دوام اولونور. فقط مدیون، حد ذاتنده بورجلی اولمادیغنی محکمه یه مراجعتله ادعا ایدر بیلیر. بناءً علیه ۶۲ نجی ماده موجبجه «اعتراضه ایتمه سندن درلای بورجهی اجرایه تحصیل اولونانه کیمه تحصیل تاریخندن اعتباراً برسنه ظرفنده دعوی طریقدرده اوده دیک مقداری استرداد ایدر بیلیر. استرداد دعواسی اجرائیک وقوع بولدیغنی محکمه کی محکمه ویا مدعی علیه تک تابع اولدیغنی محکمه زنده اقامه اولونابیلیر. اشبو استرداد دعواسنده بالکمز بورجهک اولمادیغنی اثبات اولونور» بناءً علیه بورجلر قانوننک ۶۲ نجی ماده سی موجبجه مدیونک بوبابده برخطایمیش اولدیغنی اثبات مجبوریتی یوقدر. فقط بورجک بولونمادیغنی اثبات مجبوریتمده در. کلفه بیننک مدیونه تحمیلی عمومی قاعده یه راستننا تشکیل ایدر.

بورجک اولمادیغنی ثابت اولورسه، مدیون، کندیسندن جبراً استیفا ایدیش اولان نقود واشیای ماثله یی دایندن تماماً تحصیل ایدر. بورجلر قانوننک حقسز اکتساب فصلی احکامنی قابل تطبیق ظن ایتمیورز. بناءً علیه داین حسن نیتله مأخوذنی آئندن چیقارسه بیله اعاده ایله مکلف اولور.

بر حکمک اجراسندن برسنه صوکر ایسه آرتق حق دعوا قالماز.

۱۱ — قانوننک ۶۳ نجی ماده سی موجبجه «بورجهی اجنبی بر مملکتنده بولونور ویا اقامتله یی مجرول اولورسه آلاجه دعواسنک محکمه اقامه سی لازم کلیر».

بو مادەنك اسباب موجبەسى واضح دكلدر . اجنبى مملكتە مقيم ويا اقامتكاهلرى
مجهول اولانلر حقنەدە دعوا اقامەسى صحيح اولديغە كورە بونلردن منازعەلى اولمايان
آلاچاقلرنى استيفا ايچون دايىنلارك دوغرىدن دوغرى يە اجرايە مراجعت امكانى سلب
ايتك دوغرى دكلدر .

قانون بو مساعەدەنى دريخ ايتمكلە دايىنلارك مزور مراجعتلرينىك اوكنە كچمك
ايستەدىكى ظن اولونور . فقط بونلر حقنەدە ياپىلاجق علاناً تبليغاتى متعدد فاصلەلر براقچ
كرە تكرار ايتك صورتيلە محذورك اوكنە كچمك قابل اولور ايدى .

حقوق فاكولتەسى مدرسلردن

مصطفى رشيد

عزرى : آدوات

صمد مودە آراطر

تجارت بحريە

تفليبات بحريەدە عدم مسموعيت

براي نقل قبودانە تسليم ايديلن اشيايە انساى سفردە برخسار عارض اولديغى تقديردە
محمل ويا مرسل اليه قبودان وصاحب سفينه عليهنه نقلية مقاولەسندن متولد برضرر وزيان
دعواسنى اقامە ايدە بيلير .

محاکم بويلە بردعوايى استماع ايدە بيلمك ايچون تجارت بحريە قانوننك ۲۸۱ و ۲۸۲ نچى
مادەلرينە توفيقاً امتعەنك مرسل اليه طرفندن تاريخ تسلمندن اعتباراً قرق سكر ساعت
ظرفندە قبودانە پروتستو كشيده و پروتستونك تبليغى تعقيب ايدن برنجى آى ظرفندە
اقامە دعوى ايدلمش اولمايدر .

واضع قانون محملە ويا مرسل اليه بويلە بروجيە تحمیل ايتمكلە دعوانك اثباتى جهتنى
تسحيل ايتك ايستە مشدر . امتعەنى تسلّم ايدن ذات حوله يى همان تدقيق ايتمكە و برخسار
مشاهده ايتديكى صورتدە خساردن مسئول اولان قبودانى قيصە برمدت ظرفندە خبردار
ايتمكە مجبور طوتولمايدر . اكر امتعەنك تسلمندن اوزون برمدت صكرە خسار ادالارنى
قبول ايتك احباب ايتسەيدى خسارك ، امتعەنك انساى نقلندە و يا خود واپوردن تخلية سندن
صكرە وقوع بولديغى خصوصاتنك حلى غايت مشكل اوله جفى وارستە ايضاحدر .